

Guangjisi Minzcu Bau

ganhhau: CN45-0036 B.2018 Nd.1 Ng.24 liggaeuq dingyoux nienz ndwenlab cobet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3309期

Fangzcwngzgangj Si Sawqcuengq Lanzmoeg Saehmoq Gvangjbo Vahging、Vahcuengh

防城港市京语、壮语广播新闻栏目试播

Vih senhconz gvancez doek-saed gij cingsaenz Cibgouj Daihdangj、swnjcienz caeuq fatyienz vwnzva vah minzcu, bi 2017 ndwen 12 ngoenz 13、ngoenz 14, Fangzcwngzgangj Yinzminz Gvangjbo Dendaiz doiook song aen lanzmoeg saehmoq gvangjbo Vahcuengh、Vahging. Song aen lanzmoeg saehmoq moix aen singhgiz ngoenz-singhgiz 19:00 cuengq baez daeuz, ngoenz daihngeih dauqungz cuengq, moix geiz 10 faen cung, moix aen singhgiz geiz ndeu, faenbied yungh Vahcuengh caeuq

Vahging lwnhgangj gij saehhung、gij saedcej bekkingq cingzgvang bekkingq、gij cingzgvang ndaw mbanj Fangzcwngzgangj.

Ciuq cam rox, Fangzcwngzgangj Si dwg aen dieg lai aen minzcu doxcomz youq ndeu, diegguenjleix Dunghhingh Si dwg daengx guek Gingham diegcomz-youq dandog, Sangswy Yen caeuq Fangzcwngz Gih mbanj bekkingq yungh Vahcuengh guh vah doxgyau cujyau. Doiook song aen lanzmoeg saehmoq gvangjbo Vahcuengh caeuq Vahging, ndaej engq ndei

dawz gij fuengcim、cwngcwz、fapldw fapgyi caeuq gij saenqsik fueng-bienh bekkingq fouq bekkingq dangj caeuq guekgya cien daengz gyoengq vunzlai Bouxcuengh、Gingham bae, hawj beixnuengx Bouxcuengh、Gingham ndaej gib-seiz dingqny gij cwngcwz fapgyi、seizsaeh cwngci dangj caeuq guekgya yungh vah minzcu bonjfaenh boqcuengq haenx, fungfouq gij vwnzva saedcej vunzlai minzcu vunznoix, coicaenh daengx si minz-cuz doxgiet、henzguk onjdingh.

(Ciz Yimeiz/徐玉梅)

SIUSIK DINJ

简讯

● Geij bi neix daeuj, baengh gij seizheiq guekgya dajcauh dieg ndaem byaek “byaek baihnanz daeh baih-baek”, Denzdungh Yen cawjdoengh diuzcingi canjnieb gezgou, doicaenh ndaem byaek seizcou seizdoeng, bang bouxguhnaiz laisou、vut gungz canjnieb hwnghat daengj fuengmienh aeundaeh cingzcik yienhda. Daengz bi 2017 daej, daengx yienh ndaem byaek seizcou seizdoeng mienhcik 11.9 fanh moux, canjliengh daengz 20 lai fanh dun, daiqdoengh vunz-mbanj laisou baenz miz.

(Cauz Yimingz)

● Fangzcwngzgangj Si laebdin caeuq diegnamh dieghaj Yeznanz doxlien zdieg daegdiemj, geij bi neix daeuj haenqrengz hengzguh aen gunghcwngz guhyienh “henzgyawj huzndei vwnzva” dieg henzguk, gonqlaeng hwnjguh baenz 130 aen diegguyienh, miz mbanj langhbaiz gij daegsaek Mbanjyauz, miz mbanj yienh’ok gij yienghsiengq Gingham, gak miz daegsaek、gak miz yienghsiengq, doengzseiz haiguh le ca mbouj geijlai 500 ciengz vwnzva hozdung lai cung lai yienh haenx, leih daengz vunzlai henzgyaiq Cungguk Yeznanz daengz 10 fanh lai boux.

(Linz Seznaz)

● Ndwen 1 ngoenz 19, Aen Hezvei Vwnzyigyah Ndawbiengz Guengsae lienzhab Aen Hezvei Vwnzyigyah Ndawbiengz Namzningz Si, cujeiz boux vwnzyigyah ndawbiengz youq Namzningz haenx bae Namzningz Si Lungzanh Yen Nanzhih Cin Nanzhingh Cunh haiguh “aen siengjmuengh Cungguk raeuz vwnzva haeuj fanh ranz” “cap rag diegnamh biz saedcej, fugsah vunzlai gihcwngz” vwnzyi gagnyienh fugsah hozdung, youq 2018 ciendei ndwencieng daeujdaengz gaxgonq, vih gyoengq vunzmbanj Nanzhingh Cunh soengq bae gij raeuj caeuq hohfuk.

(Nungz Veiyangz)

● Lungzlinz Gak Cuz Swciyen yungh buqgej lajmbanj gunghgung veiswng ceihleix nanzdaez guh dazyiengq, dungjcouz doicaenh lajmbanj gaj diengzhaex aen minzswng gunghcwngz hwnjguh neix. Bi 2017, aen yienh neix ciuq gij banhfap guekgya gvidingh moix ranz gaj diengzhaex bangdiep 1200, hengzguh le 6000 aen lajmbanj gaj diengzhaex hanghmoeg, haemq ndei gajnde le lajmbanj gunghgung veiswng vanzging.

(Vangz Yinzyungz)

Sanhgyangh: Guh Aenvenz Coux Bimoq



三江: 制作芦笙迎新年

Ndwen 1 ngoenz 21, vunzmbanj Sanhgyangh Duncuz Swciyen Fuluz Myauzcuz Yangh Lungzfw Cunh cingq guh aenvenz. Boq aenvenz dwg cung fuengsik beixnuengx Myauzcuz Fuluz angqcoux bimoq he, youq Myauzcuz bimoq daeujdaengz gaxgonq mbanjmbanj cung guh aenvenz moq, cingj mbanj henzgyawj daeuj camgya aenvenz doxdax mbanj bonjfaenh banh haenx. Doenggyaq aenvenz doxdax gouz bimoq fwn yinz rumz swnh、vunz youq ndei, doengzseiz hix doenggyaq doxdax boq venz、diuq fouxciaidanz coicaenh mbanj caeuq mbanj doxgyau, henhoh aenmbanj doxgiet onjdingh. Ndaw doz dwg vunzmbanj cingq guh aenvenz.

(Gunj Yicungh/滚亿忠)

Cungzcoj Baez Daih’it Laebfap Baujhoh Vehbangxdat Byaraiz

崇左首次立法保护花山岩画

Ndwen 1 ngoenz 12, Aenhoh Baez Daihsam Cungzcoj Si Gaiq Daihseiq Yinzminz Daiyauj Daihhoih biujgiet doenggyaq 《Diuzlaeh Baujhoh Gij Gij Vwnzva Vehbangxdat Byaraiz Dahcojgyangh Cungzcoj Si(Caujan)》. Neix dwg Cungzcoj Si ndaej gij gienz dei-fueng laebfap le biujgiet doenggyaq bouh daih’it saeddaejsingq dei-fueng fapgyi.

Gij gingj vwnzva vehbangxdat Byaraiz Dahcojgyangh youq ndaw gyaiq Cungzcoj Si, bi 2016 ndwen 7 ngoenz 15 bauq ndaej baenz sei-gyaiq yizcanj. 《Diuzlaeh》 mingzdingh le gij muzdiz baujhoh gij

gingj vwnzva vehbangxdat Byaraiz Dahcojgyangh caeuq gij gvaengx-laengx habyungh, gvidingh le gij cizcwz baujhoh guenleix gihgou, laebdingh le aeu baujhoh bangxdat、bya、dah、faex nywj gizdieg vehbangxdat haenx, caemhcai guh’ok ciengzsaeh gvidingh guenleix caeuq leihyungh gij gingj vwnzva vehbangxdat Byaraiz Dahcojgyangh haenx.

《Diuzlaeh》 lij mingzdingh gij gvaengxlaengx caeuq fukdoh fad gij hingzveiz famh baujhoh gvidingh haenx. Lumjbaenz, diuz daih samcib caet gvidingh: Bouxguhghong guekgya youq guh hong

baujhoh caeuq guenleix gij gingj vwnzva vehbangxdat Byaraiz Dahcojgyangh seiz luenh yungh gienz-leih、mbouj nyinhcaen guh hong、vih seileih seicingz loengh gyaj, youz aen bouhmonz cawjguen baihgwnz de roxnaeuz gamcaz gihgvanh ciuqfap hawj hingzcwng cawqfaen; cauxbaenz famhcoih, ciuqfap gyaepcaz gij cwzyin hingzsaeh.

Ciuq cam rox, diuz 《Diuzlaeh》 neix bauq Guengsae Bouxcuengh Swcigih Yinzda Cangzvejvei baecinj le couh ndaej fatbough hengzguh.

(Moz Diz Nungz Yizdungh)